

سنه لکی در سعادت ایچون مجیدیه  
بکرمی غروش حسابیه التمش  
غروشدر

طشره ایچون بوسته اجرتی اوله رق  
اون بش غروش ضم اولنور

نسخه سی ٤٠ پاره در

# تذکره محاکمه علییه

آبونه اولق ایستینلر دائره عدلیه ده  
اداره مخصوصه سنه مراجعت  
ایتملیدر

اعلانک بهرندن بر مجیدیه اخذ  
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

## توقیحات

اسکجه قضاسی بدایت محکمه سی مدعی عمومی  
معاونلکی مکتب حقوق شاهانه ماذونلرندن علی حیدر  
افندی به تفویض بیورلش ومومی الیهک علی الاصول  
امر تحلیفی ملجنجه دردست اجرا بولنمشدر.

## تعیین و تحویل

وودینه قضاسی بدایت محکمه سی اعضا لغه  
قره جه آباد قضاسی بدایت محکمه سی اعضا سندن ایلیا  
قلیدی افندی  
وودینه قضاسی بدایت محکمه سی مستنطق لکینه  
تیور حصار قضاسی بدایت محکمه سی مستنطق علی  
توفیق افندی  
پرله قضاسی بدایت محکمه سی اعضا لغه  
استاروه قضاسی بدایت محکمه سی اعضا سندن اوخانس  
ذکی افندی  
استاروه قضاسی بدایت محکمه سی اعضا لغه  
پرله قضاسی بدایت محکمه سی اعضا سندن اسپرو  
افندی تعیین اولنمشدر.

## محاکمه و مقدمات

در سعادت جنابت محکمه مندره:

امر یقایه و بلغارستانه فرار ایتدکلی  
ادعاسیله متهم اولان اوصاف لازمه لری غیر  
مضبوط آرام و اوسب و موشخ دردست  
اولنه مامش اولدقلرندن تاریخندن اعتباراً جانب  
ریاستدن کندولرینه مجدداً اون کون مهل اعطا  
قلنمشدر مهل معین ظرفنده مرقومون محکمه یه  
کمدکلی حالده قانونه اطاعت ایتماش نظریله

باقیله رق حقوق مدینه دن اسقاط قلنه جقلری  
وعلیه لرنده دعوا یه قیام اولنه جنی و محاکمه  
غیا بیه لری ائاده مالرینک حجز آلتنه آلتنه جنی  
وبوصره ده برکونه ادعا یه حق لری اوله میه جنی  
وبالجمله ضابطه عدلیه مأمورلرینک کندولرینی  
طو تمغه مجبور بولندقلری کبی معاملات حجزیه  
حقنده دخی مدعی عمومیلکه تبلیغات مقتضیه  
اجرا ایدلدیکی جهتله اصول محاکمات جزائییه  
قانوننک اوچوز یتش برنجی و اوچوز یتش  
ایکینجی ماده لرندن استنباط اولنان احکامه  
توفیقاً اشبو قرارنامه بالتنظیم اعلان اولنور.

محکمه تمیز استدعا دائره سندن تنظیم واعطا  
قلنان اعلامدر:

حلب ولایتی مرکز بدایت محکمه سی جزا  
دائره سندن استینافاً لاحق اولوب ٣ کانون ثانی سنه  
٣٢١ تاریخنده تفهیم قلنان قراری ناطق ٢٨ شباط  
سنه ٣٢١ تاریخی و ٩٦٧ عددلی اعلامک تمیزاً  
تدقیقی مستدعی وحید اغا طرفندن ویریلان ٩  
کانون ثانی سنه ٣٢١ تاریخی استدعا نامه واوراق  
متفرعه سی باش مدعی عمومیلک مأموریت بهیه سنک  
٢٧ مارت سنه ٣٢٣ تاریخی تبلیغ نامه سی ایله محکمه  
تمیز استدعا دائره سنه تودیع اولمش ولدی التدقیق  
مذکور استدعا نامه نک مدتی ظرفنده ویرلدیکی وشروط  
قانونیه موافق اولدینی اکلا شلمش اولدیغندن بالقبول  
تدقیقات تمیزیه اجراسنه ابتدار قلندی.

اعلام مذکورک خلاصه مالی زرع ایله حصوله  
کتوردیکی توتونلردن درتیوز طقسان اوچ کیلوسنی کتم  
واخفا ایلدیکی ادعا اولنمشندن طولانی مظنون علیه اولان  
مرقوم وحید اغانک طقوز یوز سکسان اتی مجیدی  
جزای نقدی ایله محکومیتنه دائر استینافاً وغیباً لاحق

اولان اعلام عاینده اعتراض استدعاسی ویرلش  
ایسه ده معترض مومی الیه طرفندن بعد الاعتراض  
تعیین اولنان کونده بالذات محکمه ده اثبات وجود  
ایدلماش اولدینی کبی حکم غیا بینک تبلیغی ناطق  
اولان علم وخبر تاریخندن اعتباراً اعتراض استدعا نامه سنک  
دخی قرق کونی متجاوز زمان مرورندن صوکره  
ویرلدیکی اکلا شلدیغندن بختله اصول محاکمات جزائییه  
قانوننک یوز یتش برنجی و یوز یتش ایکینجی ماده لری  
احکامه توفیقاً مذکور اعتراض استدعا نامه سنک  
کأن لمیکن حکمنده عدینه قرار ویرلدیکی متضمندر.  
لایحه تمیزیه ده تعیین اولنان یوم محاکمه ده وکیلی  
حاضر بولنمدینی و اعتراض استدعا نامه سی مدت  
معینه سی ظرفنده ویریلوب بوده واوراق مخبره  
مندرجاتیه متحقق اولدینی حالده مذکور استدعا نامه نک  
محکمه قلمنجه معامله قیدی سنک تأخیر ایدلش اولمش  
سررشته سیله ردینه قرار ویرلمی مخالف قانون  
اولدیغندن بختله اعلام استینافینک نقضی استدعا  
اولنمشدر.

تبلیغ نامه ده دخی اعتراض مذکورک وارد اولدینی  
بیانیله اعلام مزبورک نقضی لزومی کوشترلمشدر.

ایجابی لدی المذاکره بالاده بیان اولنمدینی اوزره  
دعوانک توتون جزای تقدیسنه متعلق اولمشندن ناشی  
نظامنامه مخصوصنک التمشجی ماده سی موجبجه حکم  
غیا بی علینده کی اعتراض مدتی تاریخ تبلیغندن اعتباراً  
اوتوز برکون اولوب عند المحاکمه درمیان اولنمدینی  
وجهله بومدت ظرفنده اعتراض عرضحالی خرج  
لازمی ایله برلکده محکمه یه کش و رئیس جانبندن  
قلمه حواله اولنوبده اوراجه قیدی تأخراته اوغرامش  
ایسه تأخرات واقعه نک معترضه قارشو حائر تأثیر  
اوله میه جنی بدیهی و بناء علیه معترض مرقومک شو  
ادعا و بیاناتنک اثباتی امرنده استناد ایلدیکی واوراق  
مخبریه مراجعتله تدقیقات اجراسی مقتضی اولدینی  
اصول محاکمات جزائییه قانوننک التمش طقوزنجی  
ماده سنک جوازی دائره سنده حبسی مستلزم اولمیان  
بوکی جنجه دغوالرنده مظنون عاینک مدافعه ایچون



وکیل تعیین ایده به جکی جهتله یوم محاکمه ده بالذات حاضر بولمیبوده وکیل کوندرمش اولسیده رد استدعاسی استلزام ایدر اسباب قانونیه دن اولمدینی حالده بورلاری نظر دفته آلتقمیزین واعلامک قرار محلده دخی مدت اعتراضک مبدأ و متهمای تاریخلری ذکر وتصریح اولتمقیزین عرفحال مذکورک مرور مدتین ومعترضک بالذات حاضر بولنامهسندن طولای رد ایدلسی نقصان تحقیقاته مبتنی واصل وقانونه مغایر اولدیغه ولایحه تمیزیه ده مندرج اعتراضات دخی بوجهتی متضمن بولدیغه بناء اصول محاکمات جزائیه قانونک اوچوز اون دردنجی و اوچوز اون طقوزنجی ماده لری احکامنه توفیقاً اعلام استینافینک نقصنه ووزنه به مودوع بش لیرا تمیز جزای تقدیسندن ایکی یوز غروش اعلام خرجک اجرای محسوبیله متناقضسک مستدعی به اعاده سنه ۸ تشرین اول سنه ۳۳۳ تاریخده متفقاً قرار ویرلدی .

-----

مریم قادینی قتل ایتدیکی ادعا اولمسنندن دولای جنایتله اتهام اولنان یوسفک اون بش سنه مدتله کورکه قولسنه دأر جلب ولایتی استیناف محکمه سی جزا دأرهنسندن ویریلان ۴۲۶ نومرولی اعلام شعبان ادیریسی قتل ایتدیکی ادعا اولمسنندن دولای جنایتله اتهام اولنان عابدینک اون بش سنه مدتله کورکه قولسنه دأر مناسر ولایتی استیناف محکمه سی جزا دأرهنسندن ویریلان ۱۹۷ نومرولی اعلام احد اوغلی سلیمان قتل ایتدیکی ادعا اولمسنندن دولای جنایتله اتهام اولنان حافظ علینک اون بش سنه مدتله کورکه قولسنه دأر قونیه ولایتی استیناف محکمه سی جزا دأرهنسندن ویریلان ۴۱۸ نومرولی اعلام

عثمان بن کریمی قتل ایتدیکی ادعا اولمسنندن دولای جنایتله اتهام اولنان احمدک اون بش سنه مدتله کورکه قولسنه دأر سلانیک ولایتی استیناف محکمه سی جزا دأرهنسندن ویریلان ۵۰۷ نومرولی اعلام

احذ وسرقت ایتدیکی ادعا اولمسنندن دولای جنایتله اتهام اولنان جمائل بن ستانک اوچ سنه مدتله کورکه قولسنه دأر برشته سنجانی بدایت محکمه سی جزا دأرهنسندن ویریلان ۱۴۰ نومرولی اعلام عبدالرحمن بن پیرای قتل ایتدیکی ادعا اولمسنندن دولای جنایتله اتهام اولنان امین بن صالحک اون بش سنه مدتله کورکه قولسنه دأر پرزین سنجانی بدایت محکمه سی جزا دأرهنسندن ویریلان ۴۶۷ نومرولی اعلام طاهری قتل ایتدیکی ادعا اولمسنندن دولای جنایتله اتهام اولنان امینک اون بش سنه مدتله کورکه قولسنه دأر سینوب سنجانی بدایت محکمه سی جزا دأرهنسندن ویریلان ۳۹۱ نومرولی اعلام رشید چاوشک دکانه بالذخول صندوقه اناختار اویدروردق ایکی یوز اللی غروشی سرقت ایتدیکی ادعا اولمسنندن دولای جنایتله اتهام اولنان محمدک اوچ سنه مدتله کورکه قولسنه دأر سیروز سنجانی بدایت محکمه سی جزا دأرهنسندن ویریلان ۲۲۹ نومرولی اعلام محکمه تمیز جزا دأرهنسجه تصدیق قلمشدر .

-----

محمدک عنبری جرح ایتدیکی ثابت اولدیغندن اون کون مدتله حبسنه عثمانک اچقسنی سرقت ایتدیکی ثابت اولان مصطفانک اوچ ماه مدتله حبسنه وختام مدت جزائیه سنده ضابطه جه کفالتله ربطله کاملک یآوری ضرب ایتدیکی ثابت اولدیغندن برهفته مدتله حبسنه علینک شکری بی ضرب و جرح ایتدیکی ثابت اولدیغندن برهفته مدتله حبسنه شافینک پولیس حسن صبری افندی به اطاله لسان ایتدیکی ثابت اولدیغندن اون بش کون مدتله حبسنه استاورینک علکسی بی ضرب و جرح ایتدیکی ثابت اولدیغندن برهفته مدتله حبسنه پنایوطک عاطلی ضرب ایتدیکی ثابت اولدیغندن بر آلتون آلتوب مضروب ویرلسنه یورکینک رمزی بکه اطاله لسان ایتدیکی ثابت اولدیغندن بر آلتون جزای نقدی آلتسنه محمدک پاره سنی سرقت ایتدیکی ثابت اولان پنایونک اوچ ماه مدتله حبسنه وختام مدت جزائیه سنده ضابطه جه کفالتله ربطله عثمان و محمدک امواله ایراث خسار ایتدیکی ثابت اولان آلفردودن اون بشلک جزای نقدی آلتسنه آندون ایله ماتیا دکنیک بورسه ده مقید اولیان مصر املاک باقه سنی تحویلاتنک پرومسلری نشر

وفروخت ایتدک لری ثابت اولدیغندن برر آلتون جزای نقدی آلتسنه ابراهیمک زوجہ سنی ضرب ایتدیکی ثابت اولان رشدی افندیکنک برهفته مدتله حبسنه محمد چاوشک خلاف ممنوعیت اوزرنده سلاح طاشیدینی ثابت اولدیغندن بش بشلک جزای نقدی آلتسنه پتروفیلینک نیقوی جرح ایتدیکی ثابت اولدیغندن بر آلتون آلتوب مجروحہ ویرلسنه بمقونک حلواسنی سرقت ایتدک لری ادعاسیله مظنون صاوه ومانولک اجرا قتلان محاکمه لرنده صاوه نکل فعل سرقت اجناساری ثابت اولدیغندن اوچ ماه مدتله حبسنه وختام مدت جزائیه سنده ضابطه جه کفالتله ربطله ومانولک حرکت واقعہ سی ثابت اوله مدیغندن بر آلتنه رفائلک آرون وقلوبی ضرب ایتدیکی ثابت اولدیغندن تعدد فعلنک سبب شدت عدلیه بریجی ماه مدتله حبسنه ابراهیمک یلک ایله ساعتی سرقت ایتدیکی ثابت اولان عثمان بن مصطفانک الی ماه مدتله حبسنه وختام مدت جزائیه سنده ضابطه جه کفالتله ربطله سیمونک تاقوھی ضرب ایتدیکی ثابت اولدیغندن بر آلتون جزای نقدی آلتهرق مضروب ویرلسنه حسینک ژاندارمه عبادہ اغای ضرب و جرح ایتدیکی ثابت اولدیغندن بر آلتون جزای نقدی آلتهرق مضروب ویرلسنه ژاندارمه طوفان اغانک نیقولی بی ضرب ایتدیکی ثابت اولدیغندن برهفته مدتله حبسنه جیلک پولیس نیقولی افندی بی اجرای وظیفه حالنده ضرب وخلاف ممنوعیت اوزرنده سلاح طاشیدینی ثابت اولدیغندن آتی بیجی ماه مدتله حبسنه حسن نجیب افندی واجلال وفاطمه خاتملرک اسعد اغایه اطاله لسان ایتدک لری ثابت اولدیغندن یارمشر آلتون جزای نقدی آلتسنه واسیلک اچقسنی سرقت ایتدیکی ثابت اولان قسطنینک آتی ماه مدتله حبسنه آورامک صالامونی ضرب ایتدیکی ثابت اولدیغندن بر آلتون آلتوب مضروب ویرلسنه یورکینک نسیمک پانظالونری سرقت ایتدیکی ثابت اولدیغندن اوچ ماه مدتله حبسنه وختام مدت جزائیه سنده ضابطه جه کفالتله ربطله عمرک مجروحیتنه سببت ویردیکی ثابت اولان یورکینک مصارف جراحیه نکل بالتحصیل عمره اعطاسنه واسیلک امواله ایراث خسار ایتدیکی ثابت اولان فوطیدن اون بش بشلک جزای نقدی اخذینه

یورکینک ، اوستہ سی خرستونک اچقسنی سرقت ایتدیکی ثابت اوله مدیغندن بر آلتنه سلیمانک دقتسز لکله عمرک مجروحیتنه سببت ویردیکی ثابت اوله مدیغندن بر آلتنه موصلق سرقت ایتدیکی تین ایدن استقونک اوچ ماه مدتله حبسنه وختام مدت جزائیه سنده ضابطه جه کفالتله ربطله مأمورین ضابطه به تحقیر آمیز معامله ده بولنان او طه باشی جوزدن ایکی آلتون جزای نقدی استیفاسنه قوچونی ضرب ایتدیکی تین ایدن چراق طریاند فیلدن بر آلتون آلتهرق مضروب ویرلسنه پتروبی ضرب ایتدیکی تین ایدن یاقشودن ایکی آلتون آلتوب مضروب ویرلسنه یونین سرقت ایتدیکی تین ایدن محمد علینک اوچ ماه مدتله حبسنه وختام مدت جزائیه سنده ضابطه جه کفالتله ربطله خلاف تنیه اوزرنده سلاح طاشیدینی تین ایدن جیل افندیکنک بش بشلک جزای نقدی آلتسنه حاجی علینک پاره کیسه سیله ساعتی سرقت ایدن امینک اوچ ماه مدتله حبسنه وختام مدت جزائیه سنده ضابطه جه کفالتله ربطله کلت خانمی ضرب ایتدیکی تین ایدن فاطمه نکل برهفته حبسنه سرسریلکی تین ایدن احمدک برماه مدت حبسیله برابر ضبطیه نظارتی آلتنه بولندیرلسنه تقوینک جاملری قیردینی تین ایدن علینک ایکی کون مدتله حبسنه ویکرمی بش غروش جام بدلنک بالتحصیل مزبوریه ویرلسنه علی افندی بی ضرب ایتدیکی تین ایدن رمزی افندیکنک اون بش کون مدتله حبسنه آندریانی ضرب ایتدیکی ثابت اولان عطا افندیکنک اون بش کون مدتله حبسنه نسیمک قهوه خانہ سی جامتی قیردینی ثابت اولان بخوردن اون بشلک جزای نقدی اخذیله جام بدلی ایکی غروشک تحصیلنه قومیسر سعدی افندی به اطاله لسان وکندوسنی ضرب ایتدیکی ثابت اولان فرهادک اون بش کون مدتله حبسنه باریسخ و فرانچ و نیغوغوصک کاظم و ابراهیمی ضرب و جرح ایتدک لری ثابت اولدیغندن مرقوموندن ایکیشر آلتون آلتهرق مضروب ویرلسنه سالیاه سوء معامله ده بولندقلری ثابت اولان توفیق وقدری واجد و موسی افندیلرک بررهفته مدتله حبسلرینه فہمینک غالب افندی به محل ناموس سوزسویلدیکی ثابت اولدیغندن بش کون مدتله حبسنه

یورکینک قوچونی جرح ایتدیکی ثابت اولدیغندن بر آلتون آلتهرق مجروحہ ویرلسنه ایلیایله سلطانه نکل ایزیدوره اطاله لسان ایتدک لری ثابت اولدیغندن مزبوراندن برر آلتون جزای نقدی آلتسنه عایشه خانمک قومیسر علی رضا افندی بی جرح ایتدیکی ثابت اولدیغندن بر آلتون آلتوب مجروحہ ویرلسنه کریاقونک و برژنی به تشریر سلاح ایتدیکی ثابت اولدیغندن برهفته مدتله حبسنه ابراهیم ادم افندیکنک والدہ سی خالدہ خانمی ضرب ایتدیکی ثابت اولدیغندن یکرمی کون مدتله حبسنه استراطی بی جرح وظفیرا کینک امواله ایراث خسار ایتدیکی ثابت اولان پاولینک اون کون مدتله حبسنه بک اوغلی بدایت محکمه سی جزا دأرهنسجه قرار ویرلشدر .

## معاملات ایتدیا هیئہ

حیفا قضاسی بدایت محکمه سی اعضاسندن مستطوق فارس افندیکنک خلاف قانون معاملاته جرأت ایتدیکی بیروت ولایتی استیناف محکمه سی مدعی عمومیلکندن وارد اولان اوراق تحقیقیه مؤداسندن اکلاشلمنه مبنی مومی الیهک محاکمه آلتنه آلتسنه عدلیه نظارت جلیله سندن مأذونیت ویریلهرک مذکور مدعی عمومیلکه تبلیغات لازمه اجرا قلمشدر .

آوانوس قضاسی نائب و بدایت محکمه سی رئیس توفیق و محکمه مذکورہ اعضاسندن خلیل افندیلرک مواد معینده وظیفه قانونیہ لری سوء استعمال ایلدک لری آقره وقونیہ ولایتلری عدلیه مفتشکلکندن وارد اولان اوراق تحقیقیه محتویاتندن اکلاشلمنه مبنی مومی الیهمانک محاکمه آلتنه آلتلرینه عدلیه نظارت جلیله سنجہ مأذونیت ویریلهرک محلته تبلیغات مقتضیه ایفا وریش مومی الیهک کیفیت محاکمستن طرف عالی مشیختپاهی به ده معلومات اعطا ایدلشدر .

## اعلانات

در سعادت استیناف مدعی عمومیلکی مأموریت برهنده : اوچوز یکرمی اوچ سنه سی اغستوسنک یکرمی

اوچنچی کونی یدی قله ده میر آخور الیاس بک محله سنده نارلی قیا جوارنده مستأجر بولندینی خانه نکل اشیا سنی دکرندن قاحش اولهرق سیغورطه ایتدیردرک سیغورطه بدلنه طمعاً وقصداً احراق ایلدیکی واتصالنه سرایتله سکسان خانه ایله یکرمی قدر دکانک دخی محترق اولسنه سببت ویردیکی ادعاسیله مظنون علیه اولوب غیر موقوف بولنان یکی قیوده لغعه ده قایتجی حاجی کر قورک خانه سنده مستأجر اقامتله روم ایلی شمدو فر اداره سنک سرکجی فابریقه سنده خدمت ایدن اورته بویلی ، الا کوزلی ، سیوری برونی ، قرال صاج وقاش بیقلی بتلیسی زاخاریا ولد وارطانک اصول محاکمات جزائیه قانونک مواد مخصوصه سی احکامنه توفیقاً جنایت محکمه سنده محاکمه سی اجرا قلمنع اوزره قانون جزانک یوزاتمش اوچنچی ماده معدله سنک فقره ثانیہ سی موجبنه جنایتله اتهامه قرار ویرلدیکندن متهم مرقومک هر زرده کوربلور ایسه طوتیلوب محکمه مذکورہ توفیقخانه سنه تسلیمی لازم کله جکی بالجله ضابطه عدلیه مأمورلرینک معلومی اولق اوزره اشبو اخذ و گرفت مذکره سی در سعادت هیئت اتهامیه سندن بالتظلم اعطا قلندی .

اوچوز یکرمی اوچ سنه سی اغستوسنک یکرمی التنجی کیجه سی زوجہ سی دورینی قتل قصدیله جرح ایتدیکی ادعاسیله مظنون علیه اولوب غیر موقوف بولنان بک اوغلنده قارناوالده بویاجی زقاغنده اوچ نومرولی خانه ده مستأجر ساکن اوزون بویلی ، سیاه صاج وقاش وکوزلی ، تربیقلی ، بیوک آغز و برونی ، بغدادی بکزی اون سکر یاشنده ترزی یورکی ولد واسیلک اصول محاکمات جزائیه قانونک مواد مخصوصه سی احکامنه توفیقاً جنایت محکمه سنده محاکمه سی اجرا قلمنع اوزره قانون جزانک یوز سکسانجی ماده سی موجبنه جنایتله اتهامه قرار ویرلدیکندن متهم مرقومک هر زرده کوربلور ایسه طوتیلوب محکمه مذکورہ توفیقخانه سنه تسلیمی لازم کله جکی بالجله ضابطه عدلیه مأمورلرینک معلومی اولق اوزره اشبو اخذ و گرفت مذکره سی در سعادت هیئت اتهامیه سندن بالتظلم اعطا قلندی .

اوچوز یکرمی اوچ سنه سی اغستوسنک اوچنچی کونی کوچک چکمجه قضاسنه تابع آیایورکی قریه سنده بالنازعه چویان واسیلی جرح و قتل ایلدیکی ادعاسیله مظنون علیه اولوب وقعیه متعاقب فرار ایتش اولان قریه مذکورہ لی اورته بویلی ، صاری بکزی ، تر بیقلی ، قرال قاش و صاجلی اون سکر یکرمی



یاشارندہ یورکی ولد استاورینک اصول محاکمات جزائیہ قانونک مواد مخصوصہ سی احکامہ توقیفاً جنایت محکمہ سندنہ محاکمہ سی اجرا قلنمق اوزرہ قانون جزانک یوز یتیش دردنجی مادہ سی موجبہ جنایتلہ اتہامہ قرار ویرلیدکندن متهم مرقومک ہر نرہ کوریلور ایسہ طوتیلوب محکمہ مذکورہ توقیفخانہ سنہ تسلیمی لازم کہجکی بالجلہ ضابطہ عدلیہ مأمورلرینک معلومی اولمق اوزرہ اشواخذو گرفت مذکرہ سی در سعادت ہیئت اتہامیہ سندن بالتظیم اعطاقلندی .

### نجات بحریہ محکمہ سندنہ

در سعادتہ مارپوشجیلردہ نعمت خانی آلتندہ مغازدہ ساکن ایکن تجارت بحریہ محکمہ سندنہ افلاسنہ حکم اولنمش اولان ہانری بہار ذمتدہ آلهجفی اثبات ویاموقفاً قبول وقید ایتدیرمش اولان آلهجقولرک قانوننامہ تجارتک ۲۱۱ نجی و آنی ولی ایدن مادہ سی موجبہ مفلس طرفندن تکلیف اولنہجق قوتقورداتونک مذاکرہ سی ایچون ۳۳۳ سنہ سی شباطنک التنجی چہارشنہ کونی محکمہ مذکورہ نک مصالح افلاسیہ رؤیتہ مخصوص اوطہسنہ کلری اعلان اولنور .

### محکمہ تجارت اجرا دائرہ سندنہ

قارنیک سروبیان افندینک متوفی اوسب قوافیان ذمتدہ ۱ تموز سنہ ۳۱۹ تاریخی اعلامیلہ غیراز استیفا مع فائض ومصارف محاکمہ متباقی محکوم بہ آلهجفی اولان بیک کسور لیرانک تأمین تسویہ سی ایچون متوفای مرقومک عہدہ سندنہ اولوب محجوز وفر وختی مقرر بولنان بروسدہ اصطبل بایزید پاشا محلہ سندنہ کائن مقارونہ فابریقہ سنک نصف حصہ سی محلنہجہ موقع مزایدہ وضع ایدیلہرک لیرای عثمانی یوز غروش حسابیلہ درتیک یوز غروشده طالبی عہدہ سندنہ تقرر ایش و تقریر ویرملری حقندہ متوفای مرقوم ورثہ سندنہ اقامتکاهلری معلوم اولانلرہ اخبارات لازمہ ایفا قلنمش اولغلہ اقامتکاهلری مجهول بولنان ابروق قادیان ایلہ اوخانسنک تاریخ اعلاندن اعتباراً سکر کونہ قدر اثبات وجود ایدہرک حصہ مذکورہ نک تقریر نی ویرمک اوزرہ محکمہ تجارت اجرا دائرہ سنہ مراجعت ایملری وقانوناً قبولہ شایان برافادہ واعتراضلری اولدینی حالہ تحریراً بیان ایملری وعکسی تقدیردہ رضا و تقریرلرینہ باقلمقسزین معاملہ فراغیہ نک اجرا ایتدیریلہجکی معلوملری اولمق اوزرہ مزبورہ ابروق قادیان ایلہ مرقوم اوخانسنہ تبلیغی مقتضی اولان اخبارنامہ دائرہ

مذکورہ دیوانخانسنہ تعلیق ایدلیدی کبی غزتلہرلہ دخی اعلاننہ مبادرت قلندی .

مفلس آرابہجی امین افندینک تسویہ دیوناتی ضمتدہ شہزادہ باشی جوارندہ حاجی علی محلہ سندنہ وزنہجیلر جادہ سندنہ شہری التمش غروش ایجار کتوریر ۳۴ نومروایلہ مرقم متصرف اولدینی براب کارکیر دکان بوندن اقدام موقع مزایدہ قونیلہرق لیرای عثمانی یوز غروش حسابیلہ ایکی بیک بشیوز غروشده طالبی عہدہ سندنہ قلنش واشبو شباط رومینک طقوزندن اعتباراً اوتوزبر کونہ یعنی کلہجک مارت رومینک اون برنجی صالی کونی ساعت اونہ قدر یوزدہ بش ضم قبول اولنسی و ذکر اولنان یوم وساعتدہ صوک مزایدہ سی بالاجرا قرار قطیسی ویریلہرک طالبی عہدہ سندنہ کچورلمسی مقرر بولنش اولدینغندن و آندن صوکرہ ہرنہ ضم وقوع بولور ایسہ قبول اولنمہجغندن مذکور دکانہ یوزدہ بش ضم ایلہ طالب اولانلرک واطرافلیجہ معلومات آلق ایستینلرک مدت مزبورہ طرفندہ بدل مزایدہ نک عشرینہ مساوی پی اچہ سیلہ برابر محکمہ تجارت اجرا دائرہ سنہ مراجعت ایملری ویوم ووقت مزبورہ مذکور دکان پیشکاھندہ مأموری مواجہہ سندنہ حاضر بولملری اعلان اولنور .

### اسکدار بدایت محکمہ سی اجرا دائرہ سندنہ

عایشہ خانمک حالت پاشا حلیلہ سی فاطمہ سعادت خاتم ایلہ مخدومی عزتلو بہاء الدین بک ذمتلرندہ اسکدار بدایت محکمہ سی اعلامیلہ آلهجفی اولان مبالغہ تأمین استیفا سی ایچون محجوز بولنان سر اجخانہ باشندہ معمار آباس محلہ سندنہ سنجیلردہ جادہ سندنہ کائن ۷ نومرولی معلوم الحدود تخمیناً ایکی بیک درتیوز طقسان بر آرشون مقدارندہ بولنان براب قوناق عرصہ سندنہ مومی الہا فاطمہ سعادت خاتمک متصرفہ اولدینی نصف حصہ سیلہ مومی الیہ بہاء الدین بکک متصرف اولدینی ربع حصہ سی لدی المزایدہ لیرای عثمانی یوز غروش حسابیلہ الییک غروشده طالبی عہدہ سندنہ قلنش وتاریخ اعلاندن اعتباراً اوتوزبر کونہ یعنی کلہجک مارت رومینک التنجی پنجشنبہ کونی ساعت درتدن اونہ قدر یوزدہ بش ضم قبول اولنسی و ذکر اولنان یوم وساعتدہ صوک مزایدہ سی بالاجرا قرار قطیسی ویریلہرک طالبی عہدہ سنہ کچورلمسی مقرر بولنش اولدینغندن و آندن صوکرہ ہرنہ ضم وقوع بولور ایسہ قبول اولنمہجغندن مذکور عرصہ نک اوچ ربع حصہ سنہ یوزدہ بش ضم ایلہ طالب اولانلرک واطرافلیجہ معلومات آلق ایستینلرک بدل مزایدہ نک عشرینہ

مساوی پی اچہ سیلہ برابر مدت مزبورہ طرفندہ اسکدار بدایت محکمہ سی اجرا دائرہ سنہ مراجعت ایملری ویوم ووقت مذکورہ ذکر اولنان عرصہ پیشکاھندہ حاضر بولملری اعلان اولنور .

### ساقز تجارت محکمہ سندنہ

ساقز تجارت محکمہ سنجہ موقفاً اعلان افلاسنہ قرار ویریلان ساقز دہ مقیم دیوماتاری برادرلر شرکتک خصوصات افلاسیہ سنک رؤیت وتسویہ سی ضمتدہ دعوی وکیللرندن علکساندر وبوچانی وحسین الہامی افندیلرایلہ تجارندن لٹونیدا میخالوافندی اصلہ سنیدیک تعین قلنش اولدقلرندن شرکت مرقوم ذمتدہ آلهجفی اولانلرک قانوننامہ تجارتک ۱۹۹ و ۲۰۰ نجی مادہ لری موجبہ تحقیق دیون ایچون تاریخ اعلاندن اعتباراً یکرمی بر کون طرفندہ سنداتی محکمہ کاتبہ تسلیم ایملری ومدت مذکورہ طرفندہ ساقز تجارت محکمہ سنک مصالح افلاسیہ رؤیتہ مخصوص اوطہسنہ کلہرک سنیدیک افندیلر مواجہہ سندنہ آلهجقلرینی اثبات وقید وتصدیق ایتدیرملری ومدت مذکورہ اثبات وجود ایدہ میان آلهجقولر حقندہ قانون مذکورک ۲۱۰ نجی مادہ سنہ توقیفاً ایفای معاملہ اولنہجفی اعلان اولنور .

### بصرہ تجارت محکمہ سندنہ

تبعہ دولت علیہدن بصرہ نک قبلہ محلہ سندنہ مقیمان یکدیگرینک شریکی بولنان توتوننجی شاول وخفوری اولادحیم نورینک ۱۹ کانون اول سنہ ۳۳۳ تاریخندن اعتباراً اعلان افلاسلرینہ ومصالح افلاسیہ نک رؤیت وتسویہ سی ضمتدہ اعضای محکمہ دن اسحاق الیاهو افندینک زورقومیسر ودعوی وکیللرندن سلیمان فیضی افندینک موقت سنیدیک تعینلرینہ ومغازہ سیلہ اشیای زائدہ بیتیلرینک تمہیرینہ واوراق ودفاترینک جلبہ وکفالت مصدقہ ارانہ ایدہ مدکبری تقدیردہ حبس وتوقیفلرینہ وبوبادہ کی قرارک موقفاً اجراسنہ بصرہ تجارت محکمہ سنجہ قرار ویرلش اولدینغندن قانوننامہ تجارتک ۱۷۰ نجی مادہ سی موجبہ دائمی سنیدیکلر انتخاب اولنق اوزرہ اشبو ۳۳۳ سنہ سی کانون نانیسنک التنجی بازار کونی ساعت بش رادہ لرنده اصحاب مطلوبک محکمہ مذکورہ نک مصالح افلاسیہ رؤیتہ مخصوص اوطہسنہ کلری اعلان اولنور .